



BIBLIOTECA NAZIONALE

XXVI*

D

61

NAPOLI




115. ~~157~~

8

4





L E C T O R I.

BIENNIVM fere est, Amice
Lector, ex quo venustissi-
mum de Pæto opus, à quì-
busdam tamen, vel incuriâ vel potius
infcitiâ, distortum, neq; parvâ sui par-
te mutilum, in manus nostras incidit:
quod cum plurimorû calculo appro-
baretur, & exquisitissimis quorundam
se palatis approbasset, nullo modo diu-
tius premendum nobis videbatur. Cæ-
terum cum emendatius exemplar ha-
ctenus deesset, ab autore, licet nec de
facie tum nobis noto, petere illud non
erubui. Qui, ut est mirifice humanus,
voto ac petitioni nostræ protinus sub-
scripsit. Itaque exemplar, partim ad in-
cudem revocatum, partim media plus
parte auctum, ad nos misit. Cui comi-

AD LECTOREM

tes, festivitatis atq; urbanitatis plenissimas, adjunxit. litteras nimirum: quas editioni huic si præfationis vice in ipso limine præmitterem, neq; abs re neque abs argumento alienum me facturum arbitrabar. Absit enim, ut labores aliorum mihi putide adscribam: absit ut vel in mustaceo laurcolam, vel gloriam ex fumo quæram. Autor operis est Raphaël Thorius, ut Medicus, si quisquam hodie, præclarus, ita & Poëta non vulgaris. Argumentum quidem leve ac ludicrum videtur, verum quod à tali Medico tractatum, non delectat modo sed & docet. Nisi si quis viro summo Fracastorio Siphyliden objicere audeat, qui ex argumento prope infami famam sibi peperit: & talem quidem, qualem nec ex arte Medicâ, fieri

ditis

AD LECTOREM.

ditis fides hic habenda. nisi quod & ex eadem arte illud, cum qua felicissime poësin junxit. Pæti originem acceptam Baccho ferri hic videbis. quam apposite, non possunt, nisi fallor, ignorare, qui *Plerumque alternis admiscunt pocula fumis.* Tu, Lector, favè operi ac fruire, & ubi interiore Pæti nota animum subinde recreaveris, versiculi istius memor esto,

Vsus habet laudem, crimen abusus habet.

LYD. à KINSCHOT.

RAPHAËL THORIVS
D. LVDOVICO à KINSCHOT

S. P.

Ro tam inſperato bono gratias ago, ut poſſum, maximas, Vir Clariſſ. non tibi tantum, ſed & viris magnis D.D. Rutgerſio & Heinfio, quod inter vos opipare ſum epulatus; non ut convivæ ſolum; ſed etiam ut parochus. ſiquidem ex luſibus meis acceſſit aliquid vœſtre feſtivitati. Nunquam equidem ſpera veram tam dextrum in illo pœmatio Apollinem, ut talibus palatis placeret, nec ut ſedecim annorum ætatem ferret factus in auras temere proiectus, non conſilio conceptus, non cura formatus. Quando tamen bono ſuo fato tam amicos invenit ſuſceptores, non fraudabo illum ſui genij beneficio, nec vos vœſtra expectatone. Immo vero liberalius agam cum liberalibus; adjuncto fratre juniore paulo curioſius compoſito. Utrumque vœſtro omnium arbitrio expono, & permitto. Edite in lucem, quando putatis placere poſſe. ſed editum fovete: patri, ut cœpiſtis, favete, & contra Cætonum cenſuram defendite ludentem inter pueros ſenem. Quod autem rem aliis amicis negatam vobis concedo, rationes fuerunt locus & perſona. Crimen hic eſt inter nos eſſe Poëtam, nec ſani cerebri habetur qui poſt primam lanuginem in Parnaffo ſomniat. Vobis iſtic alia eſt ſententia, quibus placent Muſa etiam cum ſua canitie.

qui

qui delirij accersitum Sophoclem lectâ eius tragædiâ ab-
solvit. Porro in hoc litterarum genere Reges cum sitis,
merito ludicum partes sustinetis, ut nemo ausit vestris
arbitriis derogare. Atque hoc me in periculosa alea con-
solatur, quod, quem semel vestro calculo approbaveri-
tis, nemo audebit condemnare. Tibi vero, Vir. Prestan-
tissime, iterum atque iterum gratias ago, quod de facie
ignotum tam amicè compellasti, quod me tuo amore di-
gnum putasti, quod denique sætus miselli curam subire
dignaris. Ut referam, nil aliud possum, quam ut petitioni
tue subscribam, quod libens volens facio. Mitto igitur
priorem Hymnum correctum: cui, adaucta supellectile,
secundum adjunxi. Mallem utrumque inscribi libri no-
mine, quam Hymni. Caterum magis sollicitè excusarem
huius opera levitatem, nisi argumentum cum arte mea
conveniret. Ut ut sit, nunquam penitebit tantis aucto-
ribus in scenam prodisse. Epigramma tuum elegantis-
simum in fronte apparere gaudebo, ad operis & opificis
ornamentum: qui tibi in hoc amicitie vestibulo animum
& manum in pignus æternæ sinceritatis porrigit. Vale.
Londini xviii. Febr. m. dc xxv.

Omni-

Omnibus Pati-Sugis:

MOrbifugæ vires plantæ, miracula stir-
pis

Cælitus ostensæ, partes diducit in omnes
Thorius, & primo fumos orditur ab ovo.

Vos quibus ad Pætum vigilantister terena so-
Fumigerisq; placet replere vaporibus auras,
Ore favete omnes. cælo delabitur alto :

Planta beata, udo non aspernanda cerebro.

Scilicet in medijs habitat vis enthea fumis,

Et parvo ingentes clauduntur cortice vires.

Ludicra narrantur, sed & hæc quoque seria
ducunt,

Veraque sub ficto latitat sapientia Pæto.

LVD. à KINSCHOT.

RAPHÆ:

RAPHAELIS T'WORI

DE

PÆTO seu TABAGO

LIBER PRIMVS.



Innocuos calices, & amicam vatibus
herbam,
Vimque datam folio, & lati miracula
fumi

Aggredior. Tu qui censu decoratus Equestri
Virtutem titulis, titulos virtutibus ornas,
Antiquum & Phæbi nato promittis honorem,
Tu Paddæ fave: nec enim præstantior alter
Morbifuga varias vires agnoscere planta,
Inque tubo genitas haurire & reddere nubes.

Da puer accensum selecto fittile Pato,
Vt Phæbum ore bibam: quis enim sine sumine Pati
Digna canat Pato, & tantis se comparet ausis?

Non inventa homini humanos adolevit in usus
Nobilis herba, patri sed primum visi Lyao,
Cum madidus siccos thyrsos subduceret Indos,
Notuit, ad feros & claruit inde nepotes.

Forte per æstatem tesquis arentibus hostes
Norat in insidiis meditari prælia Bacchus,
Arma jubet celeresque jugo subungere Lynces,
Bassaridasque sequi; Silenum accedere curru

B

Man.

Mandat, & in pugnam totis exardet habenis.
 Pone sequebantur lixæ, jumenta que multo
 Tarda onere, & lentis congesta viatica plaustreis,
 Et claudus senio Sileni vector Asellus :
 Dumque volat furiosa phalanx, inimicaque querit
 Agmina, per vastas & lassæ vagatur arenas,
 Dira fames, urgetque sitis, defætaque succo
 Membra labant, defuncti ipsi sua munera Baccho ;
 Amphora Sileni curru subversa jacebat
 Amplo exhausta sinu ; sitiæti ambusta dehiscunt
 Ora Seni, ardentes dum ducit hiatibus auras :
 Menades, & Satyri, multumque proterva juvenus
 Impatiens scrutatur aquas per viscera terre,
 Nequicquam ; de se tandem sibi pocula querunt,
 Et falsum potant, quem dat vesica, liquorem ;
 Pocula spurca nimis ; sed & hæc quoque pocula defuncti
 Increfcente siti, venis & deficit humor.
 Spes tum accisa omnis, faciesque miserrima rerum
 Apparet ; costas aliæ de faucibus atris
 Exhalant animas : aliæ per mutua fundunt
 Vulnèra, quem rapiant ante ultima fata, cruorem.
 Jamque acies moribunda cadit, quum valle remota
 Eminus obscuri facies confusa vireti
 Visibus occurrit dubiis : tumque Evius altum
 Inclamans ; duremus, ait, tantisper in armis,
 O Socij, optatam vicina in valle salutem
 Aspicio : hic lentos toto conamine gressus

Accelerant, renuuntque mori, Venasque Supremo
 Sanguine manantes, anime spiracula claudunt.
 Utque propinquabant, altis se prodit opacum
 Stipitibus nemus, & solijs spectabile vastis.
 Euge! meis, clamat, cognatam vitibus herbam
 Agnosco, munusque Deum. sed plura volenti
 Surda manus, latas tenero de caudice frondes
 Carpit, & ignoto latrantia viscera succo
 Demulcet; viridis stillat sub dentibus humor.
 Non tamen oblatas Sileni provida virtus
 Precipiti vorat ore dapes, sed cautior usu
 Hæret ab exemplo documenta abstemius optans.
 Nec mora: quis patulis lateat sub frondibus error,
 Eventus docuit: totis (mirabile) castris
 Evomitur, caditurque velut cum gurgitè pleno
 Ingruit admissi miranda potentia Bacchi;
 Volvitur in gyrum tellus, cælumque videtur
 Nubibus adductis surgenti occurrere terræ:
 Tum sopor obrepit, somnique invicta cupido
 Germanam dubia præfagit imagine mortem;
 Capripedes mediis diffusos stertere arenis
 Cernere erat, dissecta solo deserta furentum
 Membra Mimallonidum devota jacere sepulcro.
 Mox ubi discusso longi languore veterani
 Plenior ex adytis in singula membra recurrit
 Spiritus, amissa redierunt corpore vires
 Surgere tunc alacres, pedibusque insistere firmis,

*Et fulgere oculis, thyrsūque vibrare lacertis
Fortibus, absentesque laceßere vocibus hostes.*

*Attonitus monstro, non huc sine numine, amici,
Appulimus, Silenus ait: nec dona Doorum
Despicite, ingenitas vires, nec nomina Bacchi,
Nec pudeat certa salvos à morte fateri
Calitus ostenso vitam debere Tabaco:
Advenisset enim languentibus integer hostis,
Victasiti manus hæc cecidisset victima ferro,
Tinctaque venisset victoria sanguine nullo;
Nunc veniat, validasque manus, animosque viriles
Sentiat, & si mens suadet, fera praelia tentet:
Sed rationis opus; superum nec munera caco
Contemneranda usu. si quid sapit ista senectus,
Viribus eximiis permistum in stirpe venenum
Delitet: in ventrem virides ne mittite succos,
Mandite nec folia ingestis confusa salivis:
Virus inest crudis: æstivo Sole recocta
Credibile est tutos præbere halatibus haustus;
Nec ventri, ac cerebro, (si testæ evolvere fas est)
Pabula grata reor, subtilibus eruta fumis.
Quare agite, ô juvenes, tam digni muneris aptos
Ingenio; & rapidis extundite mentibus usus.
Dux ego vester ero; quid mens dicta verit, omnes
Accipite; arentes proluxa uredine frondes
Comminui manibus jubeo, cannaquo reponi,
Protinus educto radiis solaribus igne*

Contingi, & positis adversa parte labellis
 Exsucti calidas nubes adducere sumi,
 Ocyus ut possint cerebri pervadere flexus,
 Vinosisque leves recreare vaporibus auras.

Dixerat: hinc Satyri teretes aptare cicutas;
 Deciduas alijs sicca fuscidine frondes
 Frangere: pars tubulos arfuro-pulvere complet,
 Pars stricto ore trahit (risumque sodalibus affert)
 Pulveream flumen, tussesque inducit iniquas.
 Ipse pater fremitus vana & conamina risit.
 Igne carent, ignem votis ardentibus optant.
 Ecce Senex densum, quod habebat mantica, vitrum,
 Depromit, vafri inventum subtile Promothæi
 Furati aternas cæli de fornice flammæ.
 Hic latet ignis, ait: suscepto & Sole rotundum
 Molliter acclivi depressum in vertice centri
 Frondibus admovit Phæbo penetrabile vitrum.
 Cuspidis in morem radijs concurritur, auctus
 Inde calor sensim serpit, fomentaque circum
 Arripit, & fumo vicinum nuntiat ignem.

Applaudunt Satyri, Faunique, senemque magistrum
 Attollunt humeris, vocesque ad sidera tollunt;
 Ipse cavam ante omnes accommodat ore cicutam,
 Leniter adducit nebula mirabiles haustus,
 Et ductos patulis fumos è naribus efflat.
 Nec mora, permotus subita dulcedine, toto
 Corpore diffusum sentis gestire vigorem,

Ut solet à noti sæcundo flumine Bacchi
 Serpere paulatim non intellecta voluptas.
 Ora madent: non salsa sitis, non vexat acerbæ
 Esuries, vomitusve: levi vertigine tantum
 Crura vacillare, & supremam udescere frontem
 Percipit, illæsus sed & hæc vanescere gaudet.

Tum vacuus densa Pati portectus in umbra,
 Omnigenum ut patuit secunda scientia rerum,
 Dulcibus absunit lentas sermonibus horas,
 Explicat ingentes opulenta mentis acervos,
 Ludenti & similis Naturæ arcana recludit,
 Implicitos memorat sphaeris caelestibus orbes,
 Compagemque hominis, terræ & miracula pandit,
 Addit & oraculis docti libamina sumi.

Fumantem sequitur circum diffusa iuventus
 Ipsa novis operata tubis, fumoque fraganti;
 At rudis ore vomit naso reddenda patente
 Nubila cum multa tussi lacrymisque jocosis,
 Ridicula, appressis animam quæ claudere labris
 Nescit, perque cavas iterum depellere nares;
 Docta sed exemplo grandævum æquare magistrum
 Efflando satagit, repletque vaporibus auras;
 Dæmque hilares animis læta vitulantur in herba,
 Ecce venit fessis longum expectata ministris
 Annona, & multo ferventia dolia vino.
 Clamores geminant, versisque ad cantica cannis
 Gaudia agunt, epulisque favent, multumque vocatis
 Iumen-

*Iumentis, reduciq; senis gratantur Asello:
Indulgent Cereri primo, tum Massica libant,
Viteaque admistis alternant pocula fumis,
Cuncta fremunt fumo, cantu, mistisque choreis,
Donec dulcem oculis fudit nox alta soporem.*

*Postera ut illuxit latis aurora, ferique
Admonuit bellis securas pace phalanges,
Lenaus pater, & Sileni cana senectus
Extimulant, si quos festivi hesternæ diei
Fregit Luxuries, animosque hortatibus addunt.
Sat poclis, genioque datum; nunc prælia mentes
Sollicitant; positas assumite vultibus iras,
Et forte instanti dextras componite pugna,
Ne vigil incaute palantibus ingruat hostis
Et cadat ipsa suas cades non ulta iuventus.
Nec virtus equidem nobis incognita vestra est,
O Socij, magnis neque non confidimus ausis,
Sed nocet ignavas quamvis contemnere turmas,
Securosque mali ignotis incedere terris.
Impavidi ergo animis sedato insistite gressu,
Ne mala nos iterum letho penuria mulctet,
Agmine composito lenti procedite, pæto
Non sine contrito, promptisque ad labra cicuris,
Et levibus fungis, servato & restibus igne;
Hoc animi surgent ad prælia, nubibus istis
Prodigijque nova specie terrebitur hostis.
Este viri, famam & factis sperate perennem.*

Dixit-

*Dixerat: assensum properant applausibus omnes,
Et sibi quisque suo stationem corpore servat.*

*Arduus in curru medio pater agmine Bacchus
Eminet, impexi tergo Silenus aselli
It comes, haud equidem bellax, nec idoneus armis,
At bonus eloquio, & subitis dare tuta periculis
Consilia: aequales utrimque excurrit in alas
Densa acies, hostemque animis pugnacibus optat;
Nec procul hostis abest: vicini vertice montis
Opposito emergit, summisque hastilibus extat.
Bassaridis calido fervescit pectore sanguis,
Ærea sistra manu quatiunt, & tympana pulsan,
Vino acuum iras refides, haustoque Tabaco
Excludunt lethi faciem, suaque agmina circum
Nube tegunt atra: spirantes naribus ignem
Procedunt: medio glomeratur in equore nimbus
Igne micans, tonitruque fero, sumoque stupendus.
Ostento attonitos subitus pavor occupat Indos,
Non homines sed furva rati de faucibus Orci
Numina, consternati animo certamen iniquum
Detreſtant, trucibusque timent conſfigere monſtris.
Pars fugit, & positis quærunt velocius armis,
Quam dare victoris mallet clementia, vitam;
Pars orat veniam, parere & jussa modestis
Imperijs patiente jugum cervice capeſſit;
Sed pudet erroris, ſtulta & formidine tactos
Extimuiſſe piget vani ſuſſſamina ſumi;*

Libertate dolent serva; solatur at illos
 Indulgentis heri condita lepore potestas,
 Et victoris amor: simili discrimine victos
 Victoresque videt bellis utrinque remissis
 Una dies miscere epulas, Bacchumque ciere,
 Et simul alternis fumum potare cicutis;
 Mirantur bona nata domi, nec nota queruntur,
 Et nebulas animi jucundis nubibus arcent.

Atque hæc prima fuit mortales stirpis in usus
 Notitia, hæc late noti cunabula sumi.
 Iam quæ vis lateat plantæ, quibus apta bibendo
 Corporibus, quibus & pugnet contraria morbis,
 Musa refer, geniumque novo concede labori.

In primis non una subest natura stupendo
 In folio: adversis dives virtutibus omnem
 Exuperare fidem gaudet, stirpesque beatas
 Provocat: hellebori robur, rheabarbara duras
 Solvere nata alvos, facientem gaudia vitæ,
 Balsama vulneribus laudata, fabamque suillam,
 Nepenthesque animi mulsum, gravidumque papaver.
 Magna Dei virtus, quæ tot miracula rerum
 Seminis exigui tantillo cortice clausit!
 Quod licet haud superet cineris, vel lavis arenæ
 Fallentis digitum & numerantia lumina, molem,
 Mox dabit ingentem frondoso tegmine sylvam,
 Et certa in dubijs promit medicamina morbis.
 Quod si quis tantas rimari indagine causas

Aggreditur, multum immani sub pondere sudet,
Seu diversa Salis mira substantia planta
Compositum esse dedit, multis & dotibus auxit,
Seu simplex varijs obnoxia casibus una
Materies alios pro mole & tempore vultus
Induit, atque aliter distincta in corpora regnat,
Naturæ latet in gremio, nec cernere pronum est.
Si tamen exemplis libeat velut indice filo
Ire per anfractus dubios errore viarum,
Inque sibi similes Totum dissolvere partes,
Forstans occurret, quo mens placata quiescat,
Et si non verum, at veri illucescat imago.

Quicquid inest rebus sapidum, discernere gustus
Quod valet, id salis omne solet de nomine dici;
At gemina est natura salis, vel funditus hæret
Corporeæ moli, ad superas nec tollitur auras
Suppositis flammis, cineri sed figitur acri;
Dictus & hinc fixus: levior vel ab igne solutus
In sublime volat fumo subvectus amico,
Accrescitque apici in morem fuliginis atra;
Inde Sophis à re sal ille volatilis audit.
Hic aliud memori occurrit ratione tenendum,
Viscera quod terræ salibus prægnantia multis
Stirpibus innatis secunda alimenta ministrant,
Ut sua cuique trahit proprium natura fluorem.
Fructibus hinc sapor accedit, hinc floribus omnis
Spirat odor, retinentque sui vestigia succi.

*At tellure latent penitis confusa cavernis
Sulfurei latices, nitri glacialis amaror,
Lethale arsenicum, flammis affine bitumen,
Argenti liquor in sedam resolvable auram,
Chalcantumque acidum, lingueque astrictor alumen,
Atque alia innumeros factura elementa sapes.*

*Si quis jam excutiat prolixo carmine, de tot
Principiis, cui accepta ferat sua munera Pætum,
Comperiet tanto dignum sudore bitumen,
Cuius in eximia species supereminet herba,
Pingue, olidum, acre, tenax, nitro sublime volanti,
Ignis amans, crassaque ferens fuligine fumum.
His pictam in tabula quicumque coloribus herbam
Non videt, hunc oculis captum, & rationis egentem
Crediderim: quid enim magis aspectabile? dextram
Trita oleo fadat, digitos & glutine viscat,
Et solidat crudum lento ferrumine vulnus,
Sorditiem ulceribus salsugini terget amara,
Nec putrere sinit; sensum nam faucibus acrem
Impingit, longumque relinquit in ore calorem.
Latè susus odor virosa viridus aura
Dissipat ignavum cerebro torpente veternum,
Siccatur & illuvicem eductis sternumine mucis.
Denique in æreum flammis conversa vaporem
Facta salis vivi, superasque volantis ad arces
Pervia spiritibus mentis capitolia scandens,
Supplementa nova exhaustis animalibus infert,*

Atque hebetes subito restaurat acumine mentes.

*Planta beata! decus terrarum, munus Olympi!
Non tantum agricolis duro lassata labore
Membra levas, minuis victus absentis amorem,
Fundis & absque cibo sparsas in corpora vires;
Sed radium specimenque Dei sapientibus ipsis
Ingenium illustras, si quando aut multa tenebras
Colligit ingluviæ cerebro, aut molimine longo
Intellectus hiat, rerum neque concipit umbras,
Conceptasve tenet, vel ceca oblivia regnant;
Ut semel irrepsit blando lux indita fumo,
Aufugiunt nubes atra, curaque tenaces.
Vis micat inventrix, dempto velut obice veli
Tota oculis animi patet ampli machina mundi,
Æterna species Naturæ ex ordine nexæ
Succedunt, redeuntque suis simulacra figuris.*

*O quoties visus magna spectante corona
Orator populi cupidas dicturus ad aures
Contremuisse metu, docti sermonis acervos
Confudisse locis, lingua & siluisse rigenti,
Quum memor ex tantis opibus sopita facultas
Nil daret in vocem, sed res & verba negaret,
Ei modò vel micam generosa è stirpe vorasset
Fumanti tubulo, accenso seu lumine, sensim
Res reperisse suas, prendisse fugacia verba,
Thesaurusque animi populo exposuisse stupenti!*

Si duo præterea Stagira in pulvere docto

Laudis

Laudis amore novo, verive cupidipe pulsi,
 Pugnam agitant, verbis & digladiantur acutis:
 Omne animi intendunt robur, nervosque fatigant
 Nexibus impediunt cautum ut subtilibus hostem,
 Aut validum incusso rationum pondere sternant.
 Stat circum pubes, pulcri & certaminis aequas
 Arbitr ingenij aequales utrimque lacertos
 Mirantur, crebris vires applausibus augent.
 Tandem obtusa acie, ut fessis deserbuit ardor,
 Lentior & validos insultus læta remisit,
 Sorbeat alteruter, sacrum refletque vaporem,
 Illicet ut tacitæ Antæus tellure, resurgit
 Firmior, exhaustumque recens grassatur in hostem:
 Fejunus cadit, at sequitur victoria potum.
 Sin utrique placet nova de suffimine tela
 Arripere, & calidam verbis producere pugnam:
 Tum videas paribus momentis praelia se va
 Eventu dubio in multam crudeſcere noctem;
 Nec prius argutis discedere ab ictibus ambos,
 Indefinitam abscindant quam tædia litem
 Iudicis incerti, palma cui præmia donet.

Sic quondam Iliaco bello par nobile fratrum
 Aſclepij ſanguis Podalyrius atque Machaon
 Fertur ab Atride inductum certamen amicis
 Suscepiſſe odijs plantæ de laudibus Inde.
 Damnabat Senior linguâ tenus intus amatam,
 Diſſimulans veros ſermonis acumina ſenſus;

Iunior in fratrem jaculis ardentibus ibat,
 Et pro dilecta pugnabat serius herba.
 Cordatum ante tubam potarat uterque Tabacum,
 Impiger ingenium præclaro accendere fumo,
 Et mucronatis mentem gravidare sagittis.
 Multa hinc inde agili vibrata hastilia lingua,
 Multa retorta iterum, crepero nec pausa duello
 Ulla fuit nisi quam sumi dabat haustus amœni;
 Vnde renascentes stabant ad prælia nervi,
 Invictusque furor carum prosternere fratrem,
 Donec inexhaustis crescentes viribus iras
 Ancipitem & litem sententia magna diremit
 Regis inaudita gaudentis honore palestra:
 Robore sic proprio cecidit que stetitque Tabacum.
 Et nunc de fumo gravibus confligitur armis.
 Usque adeo nil scire datur dubitabile quod non
 Ingenij faciat cita vis & gratia linguae.

Sed me perplexi ingressum spineta Lycei
 Pensi alio textura vocat; quibus herba salubris
 Principiis constet, vero mihi carmine dictum est.
 Nunc quibus illa viris faveat, quibus illa resistat,
 Quosque ferat, pellatque ægro de corpore morbos,
 Expediam, simul ut calicem sicca vero Pati,
 Ædibus & vacuis succreperit aucta supellex.

R A P H A E L I S • T H O R I
D E P A T O

15

L I B E R S E C U N D U S .

Tollite vos ignem, tubulosq; sat aetheris haustum est;
Dum calet ingenium, dum sensibus integra vivis
Versantur simulacra, fidem exolvamus amicis;
Odimus immemores; Mundum nec pascere fumo
Aggredimur, vanos aut ampullare per orsus:
Instat segnicies, & Phæbo invisa senectus
Tristibus impallens curis divortia Cirrhæ
Mandat, & extremum Musis offerre laborem.

Dicite Pierides, domitis quæ gesserit Indis
Liber, ut immanes populos moderamine legum
Mollierit placidus, quernosque ligonibus enses,
Et truculenta levi mutarit fercla Tabaco,
Ut mores, geniumque pater Silenus amena
Stirpis, & innumeros ludens evolverit usus:
Forſitan hæc qui vos biſſido de monte per æquor
Tranſtulit auratam Boreæ regnator in aulam,
Audiet, & tanto ſi non indigna parente
Funditis, innatum quanquam averſatur odorem,
Veſtris perſuſum violis, anima que ſuavi
Inter pulvillos variata mente reponet.

Ut ſedit folio Victor, non triſtibus armis
Sæviſſe in vitam vel opes, nec durus abactis

Indi-

Indigenis statuit dominos, nec more tyranno
 Optavit metui, metuit non ipse timentes;
 Lenibus alloquijs, & majestate remissâ
 Partus amor populi, facilis clementia mores
 Erudit, glebamque jugo parere suavit.
 Terra feris infamis erat, Lynceſque, lupique,
 Tigres & celeres pardi, miſiſque Leones,
 Impune inſidiac peccorique virisque parabant,
 Tollere nec cladem intentis in mutua bella
 Cura fuit, maior ſed erat meliorque voluptas
 Finitimos flammis vexare & cadibus agros,
 Et coſtos calidis hoſtes apponere menſis.
 Non tulit immanem ingluviem, qui temperat aſtus,
 Sanguinis inque ſiti pacis ſuffundit amorem;
 Vaſtiticem luſtrare cupit, regesque cruentos
 Viſere, & ingenuas craſſis dare mentibus artes.
 Aſſumit numero è magno, quos indolis eſſe
 Scirperat urbana, calicum ſed largior uſus
 Vitaque liberior, nerviſque inimica libido
 Fecerat effatas, at nobilis aura Tabaci
 Compoſitusque labor, calique nitentior hauſtus
 Senſim reddiderat reparatis viribus agros.
 Amphoriâ, Balanumque legit, comemque Neandrum,
 Lucundos comites, totidem quibus addit amœna
 Fronte viros, luſcum Pelian, geniiſque ſagaciſ
 Idmona, carulei ridendum tubere naſi,
 Pauperis & barba metuentem ſcommata Trullum.

Here-

Hærebat focis, & clam post terga subibat
 Olim gratus aper, casu sed surdus iniquo
 Non adeo, ut solutus, suavis comes, atque facetus,
 Iussus abire manu, invitus sub tecta rediret.

Regulus Hamatoës, quo non truculentior alter
 Vicinos capere, & captos prandere, tenebat
 Non procul imperium vastis inclusus in antris,
 Turpis ubi laniena fuit; juvenumque senumque
 Corpora vineta jacent stabulis, pinguique poltrina
 Ingratam cumulant in gaudia dira saginam:
 Huc canibus, jaculisque plagisque sequentibus omne
 Cornicinum sonitus & mistis latratibus agitant
 Vertit iter, nec longe aberat domus atra Tyranni,
 Qualem Dis habitat: primo venientibus antri
 Os immane patet; congestis ossibus albet
 Limen, & affixis apparent culmina tectis,
 Consitus ut scolymis horrescit edulibus hortus:
 Quum capita in squamas longis crevere medullis.
 Forte dies genialis erat, Lapithæque repostis
 Instruere altilibus convivium lauta parabant.
 Agminis ad strepitum cavea caput exerit Heros
 Mullens, & virides exponit vertice plumas:
 Mox refugit visis, venit alter, & alter, & antri
 Interiora petunt, nec portam recte parato
 Claudere, nec miram meminere ex ludere gentem:
 Dum tenet attonitos cæcus timor, ilicet Idmon
 Primus in ignotis audet penetrare recessus,

D

Cum

Cum cane nasuto, sequitur mox cætera pubes
Palpans in tenebris, nisi qua per summa receptus
Tecta viam ostendit sub opaco lumine splendor,
Silenus medio, extremo tutissimus Evan:
Perveniunt tandem, ducit quo nidor, in aulam
Ferventem fremitu, facies ubi dira culinae
Perculit ingressos primo, plenique lebetes
Fumantum capitum, verubusque infixæ colurnis
Multa virum femora, & stillantes lancibus armi;
Fæmineique coqui cinctis circum ilia peplis.
Non procul in clathris porcorum more jacebant
Corpora dena virum festo servata propinquo,
Dum crescant adipēs, lacrymis quos Liber obortis
Præterit. Hamatoëm attenta dum nare moloſſi
Uestigat, penitoque latentem affatur in antro,
Surge miser, vultusque hominum consueſce tueri:
Venimus innocui, cades nec cadibus istas
Ulcisci est animus; veniam donamus aruitis
Ritibus, & placidos gerimus sine sanguine mores.
Sic cruor est cordi, pugnandi & tanta libido,
Bella movete feris, armento arcete leones:
Parcite vicinis, turpes nec ventribus escas
Indite, nec sædis postes ornate trophæis.
Non est illa lupis rabies: non tigride tigris
Pascitur, irato nec fit leo cana leoni:
Tollite ferales epulas, & condite terra
Tristes reliquias, dapibusque fruamur honestis.

Ille nihil clarum; obscuros modo gutture mittit
 Grunniens, torvumque tuens, non sponte monenti
 Obsequitur, pavidosque jubet parere clientes:
 Tumque abit annona infelix, meliore parata
 Succedunt verubus jucunda obsonia mundis
 Cervorumque suumque tori, leporesque anatesque
 Venantum, & quicquid dederat labor.
 Advolvuntur humi (nec enim conjungere mensas
 Hora dabat) Bacchus primum vetulusque magister,
 Tertius Hamatoës; nullo mox ordine seni
 Procumbunt comites, tum picti terga sodales.
 Fata juvent; nunquam dexteras junxisse fideles
 Peniteat (rex Liber ait) sælicia sint hæc
 Fæderis incæpti primordia: ponite amici
 Ritum immundos, faciliq; assuescite vitæ:
 Tuque adeo, subitos aditus, nec libera, frater,
 Condemna alloquia ingenui firmamen amoris;
 Proderit hoc olim hospitium, nec vestra juventus
 Utile subsidium vitæ didicisse dolebit:
 Hoc tu pignus habe, quo nullum sanctius optes.
 Dixit, & undantem vino cratera recenti
 Impiger exhaurit, secto quod palmitè nuper
 Arboris ærææ repetito effluerat ictu,
 Vtribus & plenis stabat prope: suscipit ingens
 Bellua, & epoto miserorum sanguine, tetram
 Non prius aspectum nectar deturbat in alvum,
 Emitteritque olida ructamina cruda popinæ.

Subrisit Pelias; narens compescuit Idmon;
Euuius increpuit nutu, & sermone benigno
Non bene constantis vultum firmavit amici.
Euge virum: ut vero placuit liquor? ille subaudax,
Fronte supercilioque ad verticis ossa retractis,
Est bonus iste cruor, quocunque e gutture fluxit;
Vix melior pueri imberbis: si quis mihi porro
Præbeat, haud verear patinam sorbere secundam.
Quod poscis dabitur: sed pocula jungere poclis
Et turpe & nocuum. nescis bone, qualis in isto
Sanguine seruitia est; proprio te discere damno
Non patiar. forte ex alijs sine crimine nosces.
Vt vero patrias crasse caligine mentis
Ignoratis opes? hebeti tam grata palato
Munera succiso de cortice sufficit arbor
Obvia, nec sumptu, multa nec emenda labore;
Sponte suos præbet lanianda securibus artus,
Fundit & æternos rediuvivis fontibus amnes:
Cedite, legitimos terræ bona vertite in usus,
Ducite nec pulcrum humanis pinguescere venis,
Et terræ sinibus serpentum more latentes
Luce, vivisque procul naturæ extinguere lumen:
Sunt vobis hominum vultus, sunt pectora, nec mens
Degener, intrepidaque animis ad prælia vires.
Tot bona cur tumulo infoditis? de fronte character
Humana perijt, nec quamvis sanguine passis,
Sanguineus color est. tumido sed luridus ore

Fallor

Pallor inest, oculique latent, discrimina nasum
 Nulla genasque inter; facies vesica videtur:
 Tempora nuda pilis, putri labra turgida tabo,
 Et nigro trepidi promanant sanguine dentes.
 Vix animam trahitis, nervis attollere costas
 Non datur, injecto ceu pondere pectus anhelat:
 Est piger excussis genibus gradus, & dapis alma
 Nullus amor, sed humi juvat edormire veternum.
 Hanc situs, & nunquam soli nec pervia ventis
 Antra dedere luem, spurcoque obsonia succo;
 At magis ira Deum mensis accensa nefandis
 Intulit immundam resoluta robore pestem;
 Et jam barbariem luitis, potumque cruorem
 Redditis impuro, qui vos infecerat, ore,
 Ut moniti queratis opem: sed nec bona vestra
 Nec mala novistis; tantus stupor occupat egros.
 Cernitis accenso prognatum pulvere funum
 Nare venire Senis velut exhalante camino?
 Pulvis hic herba fuit: vobis vicina Tabaca
 Nomine vix noto clarum dedit insula nomen.
 Hinc finem sperate malis: tu cane Magister,
 Cui natura parens rerum momenta suarum
 Credidit, ingenium remedi percurrere, modumque
 Nec differ miseris optatam afflare salutem.
 Hic, paulum tubulo amoto, flammaque moratus,
 Magna jubes, dixit. si que tamen auribus istis
 Digna putas, dicam; detur modo vita, recensque

Libertas miseris, pedibus quos fune ligatis
 Ægrotos stabulis in sædo stramine vidi.
 Annuit Hæmatioës: solvuntur vincula claudis,
 Prorepunt geminis nixi, sua quique gerentes
 Ore mala, & lucem veriti tetigisse supremam,
 Vultibus obscænis lætâ ductantur in aulâ.
 Non tenuit lacrymas vetulus Pater. Eia, sodales
 Vivite, aut, vitam meliori at ducite fato:
 Nam licet, & dabitur: latet isto condita buxo
 Vestra salus, modo sit servari certa voluntas.
 Tu miserande Senex, muriam pro sanguine venis
 Qui generas, cui crura labant lætante podagrâ,
 Purpurei stillant, hebetesque arētantur ocelli,
 Cæcus eris, si spernis opem, sed ab arte medelam
 Sufficiam; & tumidis albo suffimine buccis
 In pileum nebulam inspirat, vultusque seniles
 Protinus includit junctis ad tempora limbis.
 Excipit ore senex mordentes lumina fumos,
 Et patitur jussus spe consolante dolorem,
 Exprimit imbrem oculis, videt acrius omnia circum,
 Plenius admissa deterfis luce fenestris.
 Atque potest adeo salebroso in nare Magistri
 Eminus extantes oculo numerare pyropos:
 Namque rogatus uti in naso quæ cerneret, & quos
 Diceret, ostendit digitos, & fraga tot, inquit,
 Aspicio in nostris nascuntur qualia sylvis.
 Flia concussit Vetulus, risere sodales.

Dignus

Dignus es articulis sine nodo: age fugito, dixit,
 Claude labrum, & laxis expira naribus auram:
 Sugit, & expirat; sed porro injussus, ut antrum
 In gyros volvi, & turbari ructibus alvum
 Sensit, humi recubans confertim cruda remittit
 Frustra, & multiplices, quas ante voraverat, offas.
 En podagræ exitum: sic fonte revellitur ipso
 Succus edax teneros rodens sine dentibus artus.
 Hoc bis agas, quum luna latet, cumque orbe recrevit
 (Tum latebris turgent succi, tum mobilis humor)
 Post leves patinas, & prandia pinguis omasi.
 Sic ubi cisternam illuvie, primamque cloacam
 Terferit, humores ablati fecibus ibunt
 Purius, articulis blanda, & sine sorditie acris
 Nutrimenta fluent, quo nec secunda malignis
 Reliquiis acidi pungentur acumine nitri,
 Torta nec in duram concreſcent vincula cretam:
 Tum levitate pedum Satyris certabis, & ipsas
 Sponte tua poteris saltu ducere choreas.
 Quod si pauca tamen falsæ vestigia labis
 Exuperant, hausti blanda torpedine fumi
 Vanescunt, nec hebes sensus, velut ante, dolebit.
 Hac ope non podagræ tantum cruciamina cessant,
 Sed porrò coli rabies, sed volvulus atrox,
 Gutturis & fœda tollens discrimina sedis,
 Et capitis clavus, & sibilus auris adurens
 Mitescunt subito, nec post injussa recurrunt,

Si modo quis constanter amat, nec iurgia curat
 Conjugis in fumum insontem maledicta vomentis,
 Oscula quod vitiet, nitidas & conspuat ades.
 Vir fuit antiquæ fidei, nec moribus asper,
 Æquoreas habitans morbofo in littore sedes
 Labe nova infames; quos ceperat acre venenum.
 Frendebant medio cerebrati abdomine, mox ut
 Repserat extremos morbi violentia in artus:
 Tensa velut valido membra omnia fune rigeant,
 Nec vis ulla super, nec motus ulla facultas.
 Ille malo arreptus, Phœbeas jugiter artes
 Implorabat inops, dedit & medicamina Phœbus
 Nequicquam, at solitis conatum lusit in herbis,
 Doncc inauditam melior fortuna medelam
 Prebuit, & facili reparavit damna Tabaco.
 Inde colit munus Divûm, multosque per annos
 Obtinet illæsam fumo constante salutem,
 Cum prius incerto vitæ, tremulisque lacertis
 Importuna lues, necdum superata rediret:
 Nempe salis pungens acies obtusa sopore
 Desijt in molles mucronem intendere nervos.
 Sic ubi radicem dentis deterrimus humor
 Fellicat, ardentemque inflavit tubere duro,
 Qualem offert nucibus conclusis simia, buccam,
 Fumus in os veniat, parvoque ut tempore clausus
 Manserit, extemplo, gemitusque tumorque recedent.
 Sic alia migrant afflicto è corpore pestes,

Quas

Quas mala conceptæ falsuginis aurg creavit.
Labentes pluvie sublimi è fornice tecti
In teneros solles, quibus insita flamma movendo
Vivit, & in numerum flatu modulante, sovetur,
Densata in media pendent regione, forasque
Ante, levis quam sit membrana arrosa, seruntur.
Quid referam tumidas fauces, laqueumque latentem,
Hellucum, & subitâ dubios vertiginè gressus,
Clangosasque brevi mimitantia flumina nares?
Omnia mulcentur fumo, si provida cura
Maturat, seras nec opem producit in horas.

Sunt, quibus occultis mordax contagio membris
Offecit, seu spurcities nitrosa canales
Rasrit urina, vel apertum facibus anum:
Hinc quoque luctifico requiem sperate dolori
Qui matule ingemitis, qui clavos inter acutos
Horrida Caucasei depingitis ora Promethei.
Non ego vaticinor, Parnassi aut somnia fingo;
Nota loquor, quæque ipse prius crudelia sensi,
Quam facies Pæti mirandaque nota foret vis:
Namque (fatebor enim) luxu transacta juvenus
Cum Baccho, Satyris, & suavi isto comitatu,
Hic illic vetulo rimas in corpore fecit,
Subjecitque malis, quæ magna est nosse voluptas,
Sanasse utilior, nostroque probata periclo
Certius in populi juvat usurpare salutem:
Sed quia par cura est tristes expellere morbos,

*Et validos servare habitus, quæ cautio sanis,
Discite, quis ve modus, nec enim omnibus omnia prosunt.*

*Oderunt alij natura, ut triste venenum,
Deficiuntque animo ad folij sumantis odorem,
Stulte alij damnant, novitas quia displicet omnis,
Quod sine Pato atavi meliores stirpe sequenti
Concessum à superis egere salubriter ævum.
Abstineant ambo: nec enim pugnare decorum est
Natura, aut rectam invitis infundere mentem.
Si quis amat, sapienter amet, nec Simius alter
Consilio, & sine fine aliorum irrumpat in actus.
Sunt qui fumum ideo, ut potent tantummodo, potant,
Urbanos inter ne non habeantur amari,
Prosit ne an noceat sibi sus deque ferentes;
Rusticus ille, malusque pudor: nam vel juvat haustus,
Vel ledit. te ipsum noscas, & idonea fumo
Corpora, ne sero tandem tua damna queraris.*

*Si cui grande caput prostanti fronte rotundum,
Lati humeri, pectus patulum, torosaque membra,
Sub cute obesa caro, pituitaque multa palato,
Is bibat impune, & repetito indulgeat haustu,
Si libet, & justos sumendi respicit usus:
Rarcius attingant graciles, quibus ardua cervix,
Frons angusta, caput minimum, præcordia pressa,
Excarnesque gena, & pauca mucagine nares.
Ollis spirituum ut brevis est annona cerebro,
Obruitor facile confecti aspergine fumi,*

Haud

Haud secus ac nebula hyberni caligine solis.
 Compositi validis biberint si largius aquo,
 Occupat ignavos torpor, desessa quietem
 Membra petunt, nervis velut ex ætate solutis,
 Mane tremunt, altaque obeunt in luce soporem.
 Quod si præterea roseus color inficit ora,
 Et subeunt tusses, & densus anhælitus, illum
 Ejurare tubos jubeo, carosque sodales,
 Ne redimat nocuos vitæ discrimine lusus.
 Illi pulmo flagrat, putride uligine turgens
 Febrim corde fovet, lentoque absolvitur igne.
 Sed sit tantus amor fumi, nec tendere contra
 Vota libet, cæco ratio sed cedit amori,
 Bechion arentem sumat, fumumque capeffat,
 Non metus hinc fuerit, sed spes non vana salutis:
 Nec moderatus enim accendit calor, at levis aura
 Ulcera desiccat, saniemque e pectore ducit.
 Denique si qua vehit relictam causa abdita tabem,
 Seu mala per totum diffusa injuria corpus,
 Seu cita febris erit, læsi vel visceris æstus,
 Ah! tibi ne tanti sit perniciofa voluptas.
 Declina illecebras, & quamvis parcere durum,
 Parce tamen, certa & caveas auctaria cladis.

Est etiam quandoque, ut, quæ data porta, subinde
 Erumpat sus deque cruor, lethumque minetur,
 Et vomitu ruat, & laxis fluat alvus habenis:
 Quicquid contigerit, feralia pocula mitte,

Nec libeat nocuas immittere faucibus escas
Sanguinis hinc fluvij crescunt, vomitusque ferocit,
Vitaque disiectis tandem cum sacibus exit.

Iudicio hic sistor rationis tollere visus
Quod posui: nam si Pati gravis herba soporat,
Et sopor excrementa tenet, damnatur inique
Quod juvat & laudem meruit, bene premonet, inquam,
Quisquis is est, nodum neque dissolvissè pigebit:
Hunc ergo jubéo in mentem revocare, quod olim
Sanximus, adversas simul hic subsistere vires;
Nempe sale hinc stimulat naturam pellere tardam,
Ac veluti vivis pigras calcaribus urget:
Parte alia exhalans nebulofo sulfure somnos,
Sistit, & effusam facili compescit habenâ.
Ac velut indomitus sonipes juxta ilia fossus
Evolat, & freno deinceps parere recusat;
Sic ubi depultrix validè movet, & retinendi
Vis labat, ut leviter tacta est, ruit impete multo,
Nec motam retinere leve est, nec tollere lapsam,
Et magis effluxisse nocet, quam clausa manere:
Usque adeo multum est rerum momenta, modumque
Temporaque, & quæ sit cunctis natura, tenere:
Sic virtus viget ipsa, viget quoque corporis ætas,
Utraque deliquit tandem nimioque labascit.
Nil melius vino; vinum tamen omnibus æquo
Non datur in cyatho, nec fugitur omnibus horis;
Immo etiam quandoque necat, quandoque furorem
Suscitat,

*Suscitat, interdum rationem largior haustus
 Obruit in spatium, quo mobilis orbita cœli
 Volvitur, inque locum redit unde exiverat ante.
 Solvitur interea strictis nisi crapula vinculis,
 Ebrius expirat, saltem expirasse putatur.
 Haud procul exemplum: nuper Satyriscus Adonis,
 Dum tua festa colit, rex ô Lenæ, sepultus
 Et vino & somno, sub terram ut mortuus ivit;
 Postridie effossus vitæ manifesta receptæ
 Signa dedit, capite effracto, manibusque cruentis.
 At miser adversus mortem cubitoque genuque
 Confligens, animam clausa colliserat arca.
 Quid tam funestum nostræ adversarius arti
 Objiciat? nulli, quantumvis multa, obeundi
 Causa fuit, mentem nulli, quod constet, ademit:
 Contra letitia in magna, dum pocula salutis
 Ordine discurrunt, si quis temerarius audeat
 Iura insana sequi calicum, pugnamque laceffere,
 Ne titubet ratio, aut gressus titubante vacillet,
 Arripiat tubulum, medicam intermisceat auram,
 Surget inoffenso vultu, bene condita verba
 Sobrius exponet, sumi dum nescia turba
 Instabilis prodeat vibrantes fronte lucernas,
 Et gressu insolito dabit irrisoribus ansam.
 Nempe tuus fumo, Bis-nate, retunditur ignis,
 Mobilis & rabies blando torpore quiescit.
 (Nec ferat invidiam qua dat tibi copula laudem)*

Non melius lapidi Herculeo Chalybumque metallo
 Convenit, optatum quam querunt vina Tabacum:
 Sic operas præstant inter se, junctaque multo
 Nobilibus sapiunt, quam degustata seorsim.
 Denique mortales, quantum est, conducit in usus,
 Nec quicquam, ut suis occisi, non utile; flamma
 Qui superat post-fata cinis rubigine fæda
 Defricat, & flavos facit exandescere dentes:
 Fumus & ipse (novum auditu) consistere jussus
 Paret, & emissus per conniventia labra,
 Ore manu impresso, fulvum densatur in unguem
 Virginibus carum, quibus à serpigine longa
 Prurit scabra manus, manantibus undique rimis;
 Levigat admotum, & splendorem inducit eburnum
 Non sine portento; nec parvo gratia constat.
 Namque per arcanos penetrabilis aura meatus
 Cor quatit, & stomachi vinculis utrimque solutis,
 Æolium ventis subvertit olentibus utrem:
 Sed vita incolumi, ridentibus affatim amicis,
 Inde metus tutos, decus inde doloribus emptum.

Iam bona decerpsi: nunc si qua incommoda ab usu
 Obveniunt, seu sint vere, seu vera videntur,
 Expediam; longa nec vos ambage morabor.
 Insimulatur enim, clare quod mentis acumen
 Obtundat, speciesque locis posituque decenti
 Confundat tenebris, & nigra oblivio ducat:
 Crimen atrox; sed quod vel prava calumnia finxit,

*Vel bona simplicitas: non est, quia non potis esse:
 Immortalis enim cum sit mens, orta que cælo
 Portio, corporeis non est obnoxia damnis.
 Actio recta quidem, si leditur instrumentum,
 Leditur ad tempus, causâ durante, sed ipsa
 Mens intacta manet, quanquam, ceu nubibus atris
 Circumsusa latet, radiosque occultat inertes.
 Non aliter Phœbi quam lucida tela Dianæ
 Intercepta globo, vel tegmine nubis opaca,
 Tempore non longo nostris tolluntur ocellis;
 Nec minus ipse tamen sincero candidus orbe
 Ardet, & innumeris lucem communicat astris:
 Sic animo nulla est, animi nisi crimine labes:
 Desidia, & luxus, levis inconstantia, & ira
 Ingenium obtundunt, lumen rationis inumbrant,
 Permiscentque notas tabulis, & nomina delent.
 Quilibet id meminit quod amat, crebroque revolvit.
 Da mihi de multis sumi potioribus unum,
 Creditor, aut plena cui sint oblita crumena
 Scrinia, desponsa vel notum limen amica,
 Et dabo de sumi multis osoribus octo,
 Aut plures etiam, proprium cognomen, & acta
 Hæsterna, & patriæ oblitos elementa loquela.
 Scilicet aut nocuum virus, vel pestifer ignis,
 Aut morbus subito sumens à verberare nomen,
 Aut nimium palpatâ Venus vergente senectâ
 Læserat officium cerebri, nec congener æbra*

Spiritus

Spiritus eversa poteret durare fabrina.

Quod si præstanti folio suppressa periret

Vis reminiscendi, cur tot prægnantia rebus

Pectora vastitatem quasita laudis amarent?

Quælia nota, quibus nihil ignoratur eorum,

Quæ callere licet, quibus est dilecta voluptas

Condere res animo, populique astante corona

Condita mente, prius memori diffundere lingua?

At thalamos contristat iners, piger halitus, ipso

Castior, abstrusas partes qui fascinat, agno.

Audio sæmineas voces; nam mascula virtus

Laudarit potius rabidi sufflamen amoris.

Non hodierna quidem infirmi querimonia sexus;

Matronis odium est, ex quo Vulcania conjux

Frigore suspectam gelidis certare cicutis

Inferri in Cyprum vetuit Cytherea Paphumque,

Bello nempe redux inter convivia Divum

Evius ut domita obtulerat nova gaudia terra,

Iuppiter ante alios, & cum Iove Mulciber & Mars

Atlantisque Nepos, & nectare plenus Apollo,

Fumivomis olidam simularant naribus Æt nam.

Ridebant novitate Deæ, sed nocte soporæ

Offensa statuere suo depellere cælo

Thessalicos ritus, vigilesque tenere maritos.

Ergo postridie simul ac fumosa supellex

Prodit, primæ Venus cæpti manifesta protervi

Involat in mercem, buxumque & pulverem, & ignem

1143

Tam

Tam facilis Diva Superis mirantibus iras
 Subversos pedibus summo deturbat Olympo.
 Sic lasciva Cypris insanijt: at love nata
 Bellatrix, nemorum Virgo, Pindique sorores
 Sparsas reliquias gremio legere, patremque
 Thyrsigerum obnixè nova supplementa rogarunt,
 Subsidium & voto gratis retulere pudico.
 Ingens opprobrium verò, si Cypridis æsum
 Temperat, imperium menti, membrisque vigorem,
 Virtutumque decus rarâ virtute tuetur:
 Non extinguit enim nymphae aut cannabis instat
 Natura instinctum; sobolis nec munera tollit,
 Fors numerum minuit; sed freno arctata Cupido
 Quod demit numero, generis bonitate reponit.
 Grande bonum, si vel tenuis fortuna parentum
 Non premitur multâ prole, aut respublica gaudet
 Fortibus & justis potius quam plebe frequenti.
 Utilis hinc adeo senibus, primaeque juventæ,
 Frugalesque cado in summo sibi præstat, & imo,
 Dum celeres flammæ, cineresque subinde tepentes
 Aut sedat subito, aut ut fusâ diluit undâ,
 Stultitia facili canos, pubemque furore,
 Indeque prognatâ solvens vertigine Mundum.
 Ne despecta tamen vestris prorsum exulet hortis
 O domina! in duris & habet sua commoda rebus.
 Errantes uteros sursum trans septa ruentes,
 Et tensum veluti ferientes ariete ventrem,

Si quando oppressus pulmo sublatus anhelat,
 Deprimit, inquit suas cogit descendere sedes
 Ocyus, incumbens binctum quam centurionum
 Pondus, & impositi densissima sarcina plumbi.
 Porro nulla seni, si vitea pocula demas,
 Commodiora dedit mater bellaria tellus,
 Seu servanda venit natura annona fovendo
 Humorem ingenitum, suavem fundendo vaporem
 Arenti cerebro, pellendi aut sensibus hostes:
 Namque aciem lippis acuit; cui stiria pendens
 Nasum hebetat, reddit siccata nare sagacem,
 Dissolvitque graves ventosa ex aure susurros,
 In mentem, ut melius sapientum dicta recondat,
 Colloquijque diem morosaque tedia fallat.
 Quod si quis damnosa luens delicta juventa,
 Nocte crucem scapulis gestat, somnumque recusat,
 Hic quoque solamen querat, requiemque labori;
 Non tantum sopor in venas obrepet amicus,
 Unde dolor cedat, sed, ne nox longa putetur,
 Somnia pulcra dabit, rerum & spectacula viva
 Offeret ante oculos. non qualia monstra figuras
 Torrida, bilis atrox, faba, lentes, capa, faselus:
 Allia, & altercum fatuum, manicumque solanum,
 Si quis edit, medio in somno spectare putabit
 Horrendas facies, confusaque secla animantium,
 Que nec sunt, nec erunt, harpyas aquore nantes,
 Aëre Centauros, fissa tellure Draconum

Agmina, & ore nigro jaculantes Dæmonas ignem.
 Quin etiam in subita sibi tempestate videtur
 Equore sorberi, & motis luctator in undis
 Brachia anhelus agit, celsa modo rupe volutus
 In mare collabi, fontumque excire cadendo:
 Latronum gladijs adigi, modo compede fracta
 Adspicit exertis insurgere dentibus ursum,
 Auxilium inclamat nonnunquam vocibus altis,
 Interdum gemitu, donec formidine somnum
 Excutiat, puncto necis experrectus in ipso,
 Exanimis, gelido perfusus membra madore.
 Longè aliter pictis nocturna aulæ figuris
 Latificat nostro eductus suffimine Morpheus,
 Sensibus internis Natura congrua fingit
 Privato & genio; quæ quisque in mente revolvit
 Luce vigil, vel amat, gratissima nocte recurrunt.
 Aulicus, orator, medicus, mercator, agyrta,
 Navita, piscator, miles, auriga, pœta,
 Agricola, & pictor, cerdo, patronus, amator,
 Sopiti peragunt consuetæ negotia, non ut
 Sponte rudes cernunt dubitanti lumine formas,
 Vel nuper natam per euntia nubila lunam,
 Esse putant quodcunque vident. non segniter aurem
 Incendunt dictis, atque enthymemata cudunt;
 Edificant versus, clarè quos manè satentur,
 Atque alia expediunt alij, ne somnia credant
 Esse, nec affinem morti, nisi nomine, somnum.

Non lethæus enim est opij sopor, omnia ferreis
 Interiora ligans; immota ut lege, catenis:
 Non etiam ambigua turbatrix umbra cicuta
 Sensibus injiciens illulis frivola vincla,
 Quæ nec mota tenent objectis membra figuris,
 Nec penitus vigilare sinunt: sic altera Baucis
 Et Philemon teneras capati forte cicutas
 Effossas in agro, quas falsi ab imagine forme
 Crediderant siser esse, aut nota Baucidis herbam,
 Postquam fessa humili posuissent membra grabato,
 Nec vigiles, nec adhuc somni sub pondere vitti,
 Exiliere toro; prior hæc, mox ille, vagatique
 Atria per tuguri brumali nocte, rigentes,
 Attoniti pariter, deliria mira stupentes,
 Livida de trabibus retulerunt membra grabato:
 At sopitus homo claro spiramine Pati
 Gaudia pacifica noctis transacta retrahat,
 Et vigil ad solitum redit equâ mente laborem,
 Si modò laudatum fuerit, non vile, nec arte
 Fictitiumque dolis, namque omni electa Tabaco
 Non eadem est bonitas: generosum ab origine prima
 Asperum erit, densum solo, pullumque tuendo
 Jucundum longè & late diffundet odorem
 Permistum Viola, aut aura radiciis Etrusca;
 Incensum referet gustanti rite palato
 Assyrium Asphalton, cauti vel Castoris orchin:
 Quod folio tenue est, Autumni frondibus equum

Quale

*Quale in Virginia, & Bormuda nascitur arvis,
 Abÿſce, & aurigis fœnum, nautisque relinque:
 Pungit enim tunicas oculi, cerebrique volucra:
 Qui bibet, illè graves ad opus mirabitur armos.
 Pandiculator erit, malas diducet hiantes,
 Et, nisi acuta fames stimulat, projectus ad ignem
 Gaudebit seram stertendo adducere noctem.
 Ante alios fugite ô Musarum sancta propago,
 Qui veterum è chartis Sophia de ossa metalla
 Eruntis vigiles, deprensam per sua signa
 Profligate scelus mangonum, & tradite flammis.
 Est qui delicias alieno ex orbe petitur
 Captat adulterio, dum, quam Scythia fuisse peremit,
 Miscet odorata tabum ferale capella.
 Stillam alius marathri jungit, vel pinguis anisi,
 Chalcanthive notam, que lingue affusa saporem
 Exhibet, ut Lybica mixta melligine canne;
 Omnia damnose, ne dicam molliter: artem
 Qui Nature adhibet, matris nisi consulat ora,
 Turbat opus, non addit opem: quod si tamen unquam
 Laservire libet, laudique adungere laudem,
 Sumite lignum aloes, cujus levis assula pleno
 Fixa tubo totum fragrans perfundet acervum;
 Et cerebri ventres grato recreabit odore.
 Sed neque congestis dapibus jungite fumos:
 Inde coqui turbatur opus, si clausa superne
 Ostia pulsantur, tum semelixa deorsum*

*Fercula succensens mittit, quæ didita chordis
 Seditionem alvo, ventosæque murmura miscet,
 Sudum animo & placitis populata laboribus horas.
 Pernitiosum etiam nudato admittere frigus
 Vertice, vel vacuo Patum potare camino:
 Verberat aura cutim, reclusa foramina stringens,
 Trans galeam teneras convellit acumine fibras,
 Et capiti pondus, horrorem crinibus addit:
 Neu libeat soluti calamo indulgere, nec ultra
 Luxuriando modum, cerebri complere cavernas;
 Alterius sumatur; amant alterna Camæna,
 Confertum natura fugit. tibi terminus esto
 Vertigo occipiens, quæ, ni simul orta recedit,
 Adbibelene zythum, vel aperto sub Jove frigus,
 Omnis & exigua sedabitur arte tumultus.
 At postquam capitis modulum cognoveris, intra
 Fines curre tuos, nec te quæsi veris ultra.
 Natura quisquis servaverit ordine leges,
 Ille mihi sanus, sapiens erit, atque beatus.*

*Talia ludebat Vetulus: narrantis ab ore
 Heroum resupina cohors suspensa silebat,
 Docta quidem vires, sed inops tam nobilis herba
 Progeniem optabat, renovandi & seminis artem.
 Blasus at ille siti, somnoque propinquior, uno,
 Sed longo ut maduit, subito quoque stertuit, haustu.
 Nos veniam sati, fessilicet, & sitibundi,
 Absolvemus opus, & quæ Silenus omisit,*

Summa Tabacophilis cultura arcana canemus.

*Principio, ut messis respondeat ampla labori,
Sume medullosum generoso è germine semen,
Cui folium oblongum, crassum, nulloque pedunclo
Inferitur trunco, sed ab ipso stipite surgit.
Proxima cura loci; tam strenua planta recusat
Segne solum; felix animoso crescit in agro
Qualem vitis amat: colles, objectaque soli
Arva legas, ubi terra levis, non margo rigoni
Obvia, non argilla tenax, non obsita musco
Tesqua, nec impresso flentes sub vomere gleba.
Ne tamen egregie quantum vis indolis agrum
Bis fere, si plena ducit te gloria messis.
Prima rapit fœtura animæ quodcunque virile est
Effœtaque uterum delumbem in matre relinquit.
Verte solum, sedesque novas adscribe quot annis
Hospiti inexplato, fessis gratissima sulcis
Dum permissa quies pingui letamine robur
Suppleat, exhausta & genium per viscera fundat.
Nactus agrum urge operas; ne sit solertior alter
Ordine descriptis spatijs pertundere terram,
Ternaque vel plura in parvum dare grana foramen,
Divisa equali ut vegetabilis aura tenore
Inferat equalem solia in ventura vigorem.
Quod si casum aliquod fallit, vel cedit in escam
Muribus, aut rostro fodientibus omnia talpis,
Spes de reliquijs superet; si sospite turba*

Densior

Densior ortus obest folijs, tabesque timetur,
 Uideris ut crebrum tellure exurgere gentem,
 Thrax esto, patria leges imitare severas,
 Imminuas numerum, multisque è fratribus unum
 Linque solo, vacua melius quo crescat in aræ,
 Attrahat & plenum nutritis ab ubere succum:
 Mox ubi pingue solum, longique in tempore soles
 Luxuriem folijs dederint, in caudice robur,
 Tempus erit terræ vicinas stringere frondes,
 Major ut in summo claudatur cortice virtus,
 Et ferat à justo bonitatis iudice palmam.
 At ne precipites messem; ut nigrescere semen
 Cœperit in calice, & solum mutare colorem,
 Arma para, & cultros; vindemia nobilis instat,
 Et merces operæ: lucas optate serenas
 Peticola; nec enim folio minus officit imber,
 Quam September obest maturis humidus uvis:
 Tunc mete: dimidia est tibi jam decursa laboris
 Meta; quod hinc restat, curâ haud leviore gerendum:
 Frustra etenim studium omne fuit, generisque solique
 Gloria, ni summo veniat spectabilis actu.
 Hic duo sollicito tibi sunt curanda labore:
 Absumendus aqua, genitor putredinis, humor,
 Ne fimus è folio fiat, mox spiritus & vis
 Ignea, quæ pingui velut abdita dormit olivo,
 Excutienda, suos & deducenda per artus.
 Ergo, ne ætheream Sol fervidus hauriat auram

IN PÆTOLOGIAM

Doctissimi BAPH. THORII

D. M.

Admirationem.

Quid iam summa preceſſu villarum ciliſtina ſuntant,
 Quid fumos habet omnia æper, bibis omnia ab Aula
 A Teſuſi nunciaſſe deſquis, quod polſere Annus
 Famaſi expulſantem Thalamis, maſtros,
 Quid poteris ſuſtare parit, ſuſtare ſuellas,
 Molles quæſcit, quæſcit etiam quæſcit poſſit
 Et perſeſſe ſuſtare, quæſcit etiam quæſcit poſſit,
 Prime pater Parit, ſuſtare gloria, THORII,
 Non ſumma æſt ſuſtare, ſed ex ſuſtare ſuſtare
 Solide, Te perſeſſe ſuſtare, ſuſtare deſcit
 Quæſcit ſuſtare ſuſtare poſſit, ſuſtare etiam
 Te Medici omnia æſt ſuſtare ſuſtare etiam
 Creſcit omnia æſt ſuſtare ſuſtare etiam
 Ac ſuſtare ſuſtare ſuſtare ſuſtare etiam
 Poſſit ſuſtare etiam Thalamis etiam Thalamis
 Hæc aliquid etiam ſuſtare ſuſtare etiam
 Fortuna etiam, etiam ſuſtare ſuſtare
 Nobis, ſuſtare etiam, ſuſtare etiam
 Meſſe quæſcit ſuſtare etiam, ſuſtare etiam
 Indolens etiam etiam ſuſtare etiam
 Maſtros etiam etiam etiam etiam etiam
 Et ſuſtare etiam etiam etiam etiam etiam
 Et ſuſtare etiam etiam etiam etiam etiam
 Tundit, etiam etiam etiam etiam etiam
 Fundere etiam etiam etiam etiam etiam
 Verba, etiam etiam etiam etiam etiam

Pyra sumus sed de hac Entee est agnoscite vobis,
 Fumolique pulvis et illius fumare, cacebo
 Salutar, & cibum, salus potestas, singul,
 Dentibus oculis, etiam, quodcumque, si THORIVS unum
 Arguit ipse, non est quoniam facile, si quidem

IN EANDEM

C Arminas puerum sumi poterit, aude
 Maudite, si quoniam fumus, vina iuvant,
 THORIVS exemplo docuit, fumantem, pulvis,
 Potula, fumante, omnis, potest, talis.

CONSTANTER

RAPHAEL

D. CONSTANTINO HVGEINO

Equiti, &c.

A. C.

Nescio equidem, Vix Clariss.
 que vos illuc agitant Phœbi
 intemperatæ, ut violentam nolentem
 ad vestra sacra pertrahatis. Vis est hæc
 quidem. Assensuor tamen *ἐκω δέχομαι*
ἡμῶν. Obtinuit jam à me clarissimus
 D. Kinschotius, quod tu nunc amoris
 violentia extorques. Mihi illi ante dies
 octo utamque Perihelion. Proleat,
 quando ita vultis, sed in lectionem præ-
 stare authorem meminertis contra
 magistros morum, quibus forte in
 hac ætate argumenti levitas iulebi-
 tue, & suaviter, Graviora quidem ha-
 bebam.

belam, tum, Ethica, tum Theolo-
 gicæ. Quæ, si vobis saluam mouissent,
 aliquanto libentius exposuissẽ. Quod
 si hæc præclara plausum invenerint,
 non recusabo ulterius in scenam pro-
 grede, vestris auspiciis fretus, ut quic-
 quid in vicinvis partem ceciderit, ad
 vobis imputetur. Interea, quoniam
 iacta est alea, & fracti obices, ex tuo
 rogatu mitto lusum tertium, non us-
 que adeo à prioribus, nec à tempesta-
 te, alienum. Hyems est. quæ si frigida
 videtur, veniam secum de suo feret
 nummæ. Comitetur Petom, aut se-
 quatur, si non disconvenit. Si tibi,
 si Rutgerio, Henio, Kinschoto,
 placeat; gratulabor quidem, ac invide-
 bo proli felicitatem, quam ipse sibi pa-
 ter exoptat. Picturam frontem vi-
 si,

& nisi inveniretis ingenium, qui tam
 bene res ~~per~~ ~~se~~ ~~ut~~ ~~compararet~~. Ceterum,
 quod felix Paulumq; sic Republice,
 videat lucem nostrae ludio, ut inde hi-
 lares magis letentur, tristes recreen-
 tur. Certè mira est hominum natura,
 quibus in senio placet pueriles, & in
 gravissimis periculis leporum suavi-
 tas; at, modo sint convenientia, non
 cibi, veniam (spero) inveniant apud
 Iudices non nimis barbatos. Vale.
 Londini 26. Febr. 1625.

IN EIVSDEM
HYEMEM.

FUMVS habet finem, nec enim omnis nubibus istis
 Discedit conviva satur. diversa palatis
 Diversis sapiunt. hic apponuntur amicis
 Bramales epulæ, doctis sermonibus horæ.
 Falluntur. solvit, sua per convivia, frigus
 Thorius, & ventrem pariter cum lumine pascit.
 Non opus est dapibus, parvisve paratibus, orer,
 More suo, veniam. dat condimenta palato
 Grata omni, novit quibus est jus aptius herbis.
 O utinam, Thori, vestris mihi posse daretur
 Colloquiisque frui, laurisque accumbere mensis?
 Nil ego contulerim tam docto sanus amico.
 Fallor, an & mensis adsum conviva secundis.
 Hoc erat in votis, cœnantes inter amicos
 Dulce mihi furere est. nec enim magis ulla palato
 Grata datur, quam quæ condita leporibus, esca.

LYD. à KINSCHOT.

H

Ejus

Ejusdem
HYEMS.

Amnicola vates, clausis quos adibus algor
Misit in exilium, duris & rebus egestas
Sedibus ignotis locupletum ad limina vilem
Mendicare jubet gemebundo carmine victum,
Incolumes si quī tanta de clade supersunt,
Pectore si quis adhuc niveo calor insitus haeret,
Dicite jejunum peregrini carmen olores.
Et me tangit hyems; nosler quoque friget Apollo;
Forſitan & pleetro frustra ostia celsa potentum
Pulsaret, miseras supplens nisi filius artes
Arte minus sterili vacuos sarciret hiatus;
Et, radiante pyra jussu fervore lebeti,
Ubere persusos apponeret unguine caules:
Ille Patris citharam obtendens, dum bruma salubres
Publicat inducias, nostris & bella crumenis,
Ante focum impellit gelidos effundere versus.

Flat Boreas, albent montes, stant flumina ripis,
Fit nive nigra dies; Sol ipse in nubibus alget
Festinais cubitum, vel saltem algere videtur,
Cornibus illustrat dum Luna micantibus Orbem:
Barba gelu concreta sonat; flent lumina vento;
Interea ore strepunt dentes, rigor efferus unguis
Lancinat, & prohibet plenas emungere nares.

Mitte

Mitte puer lusum in glacie, ne lubrica fallat
 Area & averso vitreum caput intoret ictu
 Cum natibus, referasque domum pendentia crura.
 Ingere ligna foco, tremulis & vellera lumbis:
 Marmoream Cererem, lapidosaque frustra Lyai,
 Atque humilem mensam splendenti appone camino.
 Prima domet stomachum glacie domita ipsa frementem
 Brassica, sed multo quæ surgat succida lardo:
 Delicias putres callosa volumina verris
 Non moror; obtineant crassa sua silisia nartes
 Cretensi mergenda mero, rabidoque sinapi.
 At potius frixis succidia juncta vitellis,
 Et veniat pleno gallina juvencula ventre,
 Non adiposa situ, sed pasta siligine sicca,
 Quæ numeret varios utero prægnante nepotes.
 Mox fument patinis jejuno frigore pingues,
 Nunc viles epula, turdi, regalia quondam
 Fercula, felici multum curata Lucullo:
 Sed mihi res pretium rebus, non copia, ponit.
 Heus! ubi avis rostrata, sapit quæ podice longe
 Splendidius, quam vel cerebro, vel pectore? crusto
 Excipe collapsos pendente liquamine lactes
 O gula! quam docilis, quæ mandere discis oletum!
 Obsessa gravius quid in urbe suasit egestes?
 Suadet frigus edax: brumali frigore fervent
 Viscera, & immensa consumunt omnia noctes.
 Tarde puer! nondumne suo resoluta liquori.

*Vina audis? & jam arripuit prope flamma lagenam :
 Tantalea hæc pœna est , medios glaciata prope ignes
 Inter vina sitis ; magna est patientia virtus.
 Facta, heu, vappa, merum ! penetrabile frigus, amici,
 Accusate ; gelu effecit, non sordidus hospes.
 Hic genius Galli, nec frigora ferre, nec astum
 Mobilitate potest : da succum, vitis libera ;
 Solstitium, & brumam, longos & despicit annos.
 Imperiosus at est ; ridentem admissus amicum
 Suppeditat, summa petulans dominatur in arce,
 Et miscet tragicos hirci de lacte tumultus.*

*Huc ades ô pincerna ! viden' illum rubicundis
 Naribus, in levam pendet cui pileus aurem,
 Irato & similis clamosus intonat ? illi
 Parcitus affundas, & raro, & aquare memento.*

*O Socij, spinas verborum Academia tractet :
 Nos animo curas evellimus : otia nobis
 Cœlitus ista fluunt : en delitiosa refundit
 Dona parens Tellus ; corrumpimus omnia fastu.
 Parcite Chrysippo ; Teia locus aptior umbra.
 Nil fuit ingenio cerebroso invictius unquam.
 Ferte dapes famuli, facit aspera prœlia mensa
 Longa hybernâ fames, canibus rabiosa, lupisque:
 Os solido offendens steriles dimittet elenchos.
 Mittamus salebras, trivias & plana sequamur.
 Aspicite, ô juvenes, ut tempora prima verentur
 Postremas hyemes, ut in unum congerit annus*

Divitias omnes, ventri quas donet avaro,
 Sic ferere in canos mandat Natura jurepta
 Rem, famulos, sobolem, doctrinam, nomen, amicos;
 Ut stans multiplici tibicine curva senectus
 Mollius in dorsum letho sternente recumbat.
 Rugis apta quies: hyemi domus optima: nulla
 Machina me currum vel equum suscollat in altum,
 Fumento ut rigido accrescam, ceu milite saxeo?
 Horrebant quondam statuis & equestribus Alpes;
 Suaferit aut tali navem conscendere sælo.
 Non si pontivagi invitet fortuna Draconis,
 Spondeat aut reducem ex Indis abducere classem,
 Mutus & anginâ heredem me scribat Alector.

Vestphalus hybernos saxis petit & maledictis
 Caupo viatores insano sidere tactos,
 Cogitur ut precibusque minisque exire grabato,
 A socia & lecti fumanti surgere porca:
 Cogit eos pariter nudo decumbere plaustro,
 Vrsamque & plastrum, & stellas numerare micantes:
 Corculum in hoc sapiens, ad cætera fungus inanis.
 Omnis in opposito est Batavi sapientia, ne quis
 Rugosum Occiduo citius piper inferat Orbi.
 Regna petit Boreæ, vastis ubi noctibus errans
 Naturam oppugnat trabibus, perque invia tundens
 Clausura viam, æterna glacie præcordia durat,
 Marmoreum pelagus sicco pede calcat, in ætæam
 Esurie advectus, ne vitam in nave relinquat,

Utque nives vitæ, niveis se manibus abdit,
 Nunc urfos pascit, capto modo pascitur urso,
 Mustelam aut prædet, vulpis vel terga ligurric.
 Gaudia neu tandem festis regalibus absint,
 Sortibus electum glaciata in regna sodalem
 Proclamant, gelidum quoties delibat lacchum.
 Sic tenebris segnes durant, nivibusque sepulti
 Expectant reducem Phæbum, fluctusque sonantes,
 Ut patriam repetant rari, laribusque reportent
 Dimidias aures, lapsique foramina nasi,
 Præteritos casus dicturi astante corona,
 Castaneas sparso dum volvent igne crepantes,
 Et tumidas jungent ad singula pocula dextas.

Quis peregre excurrat? tuto vix itur in urbe,
 Per tegulas tanto vehemens furit Æolus æstu.
 Hem muri titubare, nisi titubo ipse, videntur.
 Libate, ô Socij, & vino mulcete procellam:
 Roribus irriguis perhibent mitescere ventos.
 Nemo casam repetet, positis nisi turbinis alis.
 Portentum est, quoties saxis pluit: in sua nemo
 Fata ruet, medico cœnam præbente, sed ira
 Impatiens si quis properat, tantisper ad ignem
 Assideat, dum Scriba venit vicinus, ut illo
 Teste palam scribat, testamentumque sigillet.
 Tunc abeat, sed ne per tela incedat inermis,
 Induat invictam hanc galeam, qua sorde rubenti
 Incrustata novem è clavo per lustra pependit,

Et


*Et fluitante anima capitales arceat ictus.
 Nil sincerum homini fundit Natura: voluptas
 Et metus una habitant: sunt qui corpuscula curant,
 Expediunt animas alijs poscentibus undis,
 Sanguinis aut avidis per vulnera cruda propinant.
 Pace Britannus orat genioque illustrat alutam;
 Gallia flet, patrios Aquitanus inebriat enses.
 Nunc filet aura omnis, ventis modo tecta ruelant.
 Somnum adeunt inopes chordis vocalibus, at vos
 Ite domum saturi, nec frigida strata timeate,
 Vos, quibus intepuit viva sartagine lectus.*


F I N I S.

E R R A T A.

P Ag. 4. vers. penult. lege, *cannaque*. p. 5. vers. proantep. l. *mirabilis*.
 p. 13. v. 6. l. *equus*. p. 44. vers. proantep. leg. *Carmina spūantur*.
 Ceteræ si quæ commissa sunt, per se Lector emendabit.

Y. I. I. I.





184
7
12

XXVI*
2
61.

